

Saturday, May 31, 2025

Time - 2:30pm - 2:35pm

AKASHVANI AIZAWL
REGIONAL NEWS UNIT

AIN HAVOC

Tunhnaia ruahpui leh thli tleh avangin hmun hrang hrangah chhiatna thleng a awm a, hriat theih chinah heng chhiatna avang hian mi panga (5) in nunna a chan.

Mizoram hmun hrang hrangah ruah a sur chhunzawm zel avangin chhiatna hmun hrang hrangah a thleng a, Serchhip ah chuan vêng 3 a chenna In 7 leiminin a hnawl a. Hengte hi P&E veng leh Dinthar Vengah 3 ve ve bakah Chhim vengah 1 a ni a, nunna chên pakhat an awm a ni.

Nunna chên hi Ramzolura kum 55 mi niin a ruang hi tukin khan lak chhuah fel a ni tawh a, Serchhipah hian veng thenkhatah inkalpawhna ping hmun 3 velah a awm bakah Tuikhua veng Baptist biak in thlang lungrem chimin a thlang NH 54 a College bus delh a. Kawmthlang min vanga in chhuahsan chhungkaw 10 vel an awm nia hriat a ni bawk.

Lawngtlai ah chuan nizan khan Lawngtlai Bazar veng leh Chandmary veng inkara National Highway 54 kawngkama awm ah inrellai 2 telin in 6 a chim a, chhanchhuah hna a theih ang angin thawh nghal niin In chimin a delh hi mi 5 vel an ni a mi 4 hi dama lakchhuah tawh niin mi pakhat dam ala awm nia sawi anih avangin chhanchhuah tuma beih mek a ni.

Champhai District Vaphai khua ah chuan tukin dar 5 vel khan Samthang lam atanga Vaphai luhna khawtawntirh lam-a raltlante inluah lai chu leimin in a hnawla, chhungkaw member 5 zinga 3 an thi nia hriat a ni.

Khawzawl district New Chalrang-ah nizan ruahsur vang khan in pakhat leimin in a hnawl a, vanneihthlak takin thi leh hliam an awm lo a, Champhai Zote ah chuan in pakhat leiminin hnawlin thi leh hliam an awm lo a, Saitual District ah chuan Keifang leh Seling inkar, Seling atanga Km 6 vel, Sakei bangla thlangah kawng chhak lei tawhlin kawngpui NH 06 a hnawh ping a, tun dinhmunah lirthei eng chi mah a kaltlang thei rihlo a, Manipur pawhtu NH 102B Saichal leh Hliappui inkar pawh lirthei engmah kaltlang theih lovin a ping mek bawk.

Ruahsur nasa avanga Mizoram hmun hrang hranga District Emergency Operation Centre (DEOC) te hmalakna vil turin State Emergency Operation Centre (SEOC) nilengin hawn a ni.



COVID

Integrated Disease Surveillance Programme (IDSP) State Nodal Officer Dr. Vanlalrengpuia'n Covid 19 avanga enkawl mek mi 2 chu ngaihtuahawm an nih loh thu leh Mizoram dinhmun thlithlai reng a nih thu a sawi.

Akashvani Correspondent Vanlalruata zawhna chhangin Dr. Vanlalrengpuia chuan Covid 19 chu 'pandemic' a nih angin khawvel pumpui a chenchilh ve reng tawh tih sawiin tunhnaia India ram pumah vei an tam leh deuh thu leh vawiin thlenga vei report chu mi 3,395 an nih thu leh Mizoramah chuan mi 2 a nih mek thu a sawi a. Mipuite tana chiaina tur a awm loh thu sawiin Covid laka invenna tura inzirtir thin hrang hrang zawm a pawimawh thu a sawi a. Natna benvawn nei tan erawh fimkhur lehzual a pawimawh thu a sawi.

Byte of Dr. Vanlalrengpuia....

State Nodal Officer chuan Covid 19 chungchang chu niminah State Level Task Force ten thukhawma an ngaihtuah thu leh tunah hian sorkar chuan Mizoram dinhmun a thlithlai reng thu leh a tul ang anga hma la thei turin a inbuatsaih a nih thu a sawi a. Sorkar laipui leh ICMR te nen Covid 19 dinhmun an thlithlai reng thu a sawi bawk.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.



GOVERNOR

Larsap, General (Rtd) Vijay Kumar Singh chuan nimin khan NDA Khadakwasla, Maharashtra-a NDA cadet training chhuak turte thlahna puala Khetarpal Parade Ground-a Passing Out Parade (POP) buatsaih chu Reviewing Officer niin a hmanpui.

Larsap chuan NDA Khadakwasla atanga course zir zote thinlung taka a lawmpui thu sawiin, hmeichhe cadet batch hmasa berte NDA atanga an pass chhuak chu academy tana ni chhinchhiah tlak tak, mitin huapzo hmasawнна leh hmeichhiate chawikan nana hmalakna ataka lantirna mellung chhinchhiah tlak tak a ni, a ti a. Heng thalai hmeichhiate hi hmeichhiate chakna 'Naari Shakti' entirna an ni a, hmeichhiate hmasawнна mai piah lamah hmeichhe kaihhruai hmasawнна a tak ngeia lantirna a ni tih sawiin Tun atanga hun reiloteah an zinga mi hian an kalna service a mawhphurhna sang ber an thlen theih ngei a beisei thu a sawi a. Pass chhuak zawng zawngte an kalzelna turah duhsakna a hlan a ni.

He hun ah hian hmeichhe cadet batch hmasa ber mi 17 te'n 148th Course - Spring Term 2025 training hi zo felin, cadet pass chhuak 336 zingah an tel a. Passing Out Parade ah hian course zo hlim cadet 336 te tiamin avaiin cadet 1,351 an tel a ni.

